

# SOLVTIO PROBLEMATIS GEOMETRICI CIRCA LVNVLAS A CIRCVLIS FORMATAS.

AVCTORE  
*Leonb. Eulero.*

## §. I.

**I**N exercitationibus Mathematicis *Celeb. Dan. Ber-*<sup>Tabb. VIII  
et IX.</sup>  
*noulli* Venetiis editis mentio fit problematis cuiusdam,  
quod Vir *Celeb. Goldschus* quondam proposuisset,  
quo postulabatur vt in duabus lunulis oppositis a duobus  
circulis se mutuo intersecantibus formatis duae rectae ae-  
quales ita applicentur, vt a lunulis partes aequales abscin-  
dant. Subiuncta vero est ibi etiam solutio huius proble-  
matis facilis quidem, sed tantum particularis, cum eidem-  
innumerabiles aliae solutiones satisfacere possint. Praeterea  
autem solutio, quae ibi est data, non solum Geometrico  
modo sine analysi exhibetur, sed etiam analysi ad id sol-  
uendum minus idonea censetur. Quod analysi incom-  
modum, etiam si in pluribus problematis Geometricis  
allegari soleat, tamen mihi quidem non tam analysi,  
quam analysi imputandum videtur. In hoc certe pro-  
blemate clare ostendam, analysin ad id soluendum non  
solum non esse ineptam, sed etiam methodo Geometri-  
cae